



#10 - La ultime gote

Soi, jo, la ultime gote di aghe. Di preseade aghe.

Simpri mancûl a bagnâ la tiere sute, come desert in plen Istât.

Il soreli matucel e la umanitât fûr di cjâf mi stan suiant, copant, scancelant.

Gno pari, il nûl, non è plui bon nancje di vaî par me. E par se stes.

Al à la bocje masse sute, i voi sierâts, cence plui ploie di butâ sul mont.

Puar mont!

Al sucêt di dut: maris che copin i fis, fûc che al bruse ogni lûc, e par man umane - chel al è il brut - vueris e la mê famee di aghe nete e simbul di vite che e sta supant pantan.

I arbui, cence la mê ploie, no àn plui sostanze par lis fueis, che a colin, secjis e avilidis, fin dal mê di Lui.

No rivi a crodi, jo. Mi ven di vaî, ma no pues, o ai di tignîmi di cont: soi une gote di aghe

frescje e o ai tante pôre di murî.

I arbui, o disevi, a alcin i braçs al cîl, preant i nûi di vierzisi.

I fics a son butui di carton. I grignei dentri dai miluçs ingranâts za spacâts, son spavits come cadavars.

La jerbe e je paie, i flums deserts, il cîl al bruse di masse cjalt, e bisugne sparagnâmi: vuai bagnâ!

Intant, jo, ultime e piçule gote o cjali e no pues fâ altri che involucjâmi intal gno cûr licuit e preâ.

No ai imparât lis prejeris, jo, no ai mai vût mût ni bisugne di imparâlis. Cumô lis inventi e o feveli cul Signôr, i conti dut chel che o viôt, e sperî che mi scolti e che al fasi alc par salvâ cheste tiere sfortunade e cheste umanitât selerade.

Jo o tos e o trimi e o pensi a ce che, jo, pues ancjemo fâ, cui che o pues judâ.

O viôt une bore gnove, colade dentri de tane di une famee di furmiutis lavoradoris e sioris di pâs.

In file ordenade, a scjampin dulà che miôr a podin, par no scotâsi.

Eco, mi buti parsore, culì, in mût che al podi distudâsi e lis furmiutis a podin tornâ inte lôr cjase.

Amancul lôr.

di ***

#1***